

**IZVJEŠTAJ**  
**SVJETSKO DEBATNO TAKMIČENJE**  
**TURSKA, 19.07. – 01.08.2011. GOD.**

**DAN 1.**

**UTORAK, 19.07.2011.**

Ekipa BiH je u 06:00 sati autobusom iz Sarajeva krenula do Beograda. Ekipu čine:

- Dušica Blagojević (SŠC Pale) – debatantica
- Nemanja Babić (SŠC Srbac) – debatant
- Haris Hadžijusufović (Gimnazija Bihać) – debatant
- Nadina Balagić (CKD) – trenerica

Nakon dolaska u Beograd, ekipa je put nastavila avionom, letom JU 240 (u 16:15) na relaciji Beograd – Istanbul. Let do Istanbula je protekao bez problema. Na aerodromu su ekipu dočekali domaćini koji su izvijestili ekipu da će u hotel biti prebačeni nakon 4 sata čekanja, zbog ekipa čiji su letovi kasnili. Ekipa BiH je u Hotel Green Park stigla 19.07.2011., u 23:55, gdje je izvršena registracija i dodijeljene sobe za dalji boravak na Svjetskom debatnom takmičenju. Nažalost, zbog loše organizacije prevoza do Hotela, ekipa BiH nije prisustvovala ceremoniji otvaranja Takmičenja.

**DAN 2.**

**SRIJEDA, 20.07.2011.**

**08.00 – 09.00 DORUČAK**

**08.30 – 08.50 SASTANAK TRENERA (treneri)**

Veronika Vlckova je prisutnima poželjela dobrodošlicu i objasnila da je cilj sastanka upoznati trenere sa pravima i obavezama koje imaju kao treneri i sa pravima i obavezama koje imaju debatanti. Obaveza trenera je da sa debatantima, ukoliko su zajedničke sesije, dolaze na sesije na vrijeme. Ukoliko su sesije odvojene, obaveza trenera je da osigura prisustvo debatanta na sesijama. Ukoliko izostanak debatanta bude primijećen na sesiji, trener će biti obavezan da debatanta pronađe i uputi na sesiju. Obaveze debatanta su poštovanje pravila Takmičenja u toku i nakon debatnih rundi. Debatanti i treneri imaju pravo ulaganja prigovora ukoliko smatraju da su njihova prava ugrožena. Debatantima nije dozvoljeno konzumiranje alkohola, čak ni ako su punoljetni i obaveza je trenera da ne dozvoli konzumaciju debatantima. Tokom sastanka je istaknuto da tokom dolaska na lokaciju škole u kojoj se održava većina aktivnosti svi moraju poštovati odabranu rutu jer je ona posebno dizajnirana za siguran dolazak na lokaciju.

**09.00 – 09.30 JUTARNJA SKUPŠTINA (svi)**

Tokom Jutarnje skupštine predstavljena je pjesma Takmičenja „Istanbul“ koju izvodi Sertab Erener, i predstavljen plan rada za taj dan.

**09.30 – 10.30 DEMO DEBATA (svi)**

**10:30 – 11:45 RADIONICA SUĐENJE (treneri)**

Tokom Radionice predstavljena su osnovna pravila Karl Popper debatnog formata. Radionicu su vodili:

- Kenda Cunningham (SAD)
- Logan Balavijendran (Filipini)
- Andrej Schultz (Slovačka)
- Lazar Pop Ivanov (Makedonija)

Prisutnima su također predstavljena pravila tokom debatne runde:

Sudije prije runde preuzimaju sudački listić sa svojim imenom, prezimenom i brojem sale u kojoj sude.

Kvalifikacione runde sude 3 sudije, koji biraju Predsjedavajućeg.

Predsjedavajući moderira debatu, osigurava red tokom debate kao i da postavljene vremenske odrednice budu ispoštovane.

Dužnost Predsjedavajućeg je da obavijesti „tab room“ ukoliko jedan ili oba tima nisu na vrijeme došli na debatnu rundu.

Predsjedavajući također debatantima dijeli forme za evaluaciju u koju debatanti upisuju koliko su zadovoljni objašnjenjem presude koju im svaki od sudija ponudi. Evaluacione forme su anonimne.

Evaluacione forme u „tab room“ odnosi jedan od debatantata koji je učestvovao u debati.

### **10:30 – 11.45 UPOZNAVANJE (debatanti)**

Tokom ove radionice, putem interaktivnih igara, debatanti su upoznali jedni druge.

### **11.45 – 12.15 PAUZA ZA KAFU (svi)**

### **12.15 – 13.30 RADIONICA SUĐENJE (treneri)**

Tokom Radionice objašnjene su pojedine situacije koje se mogu desiti tokom debate i naglašen je prici po kojem je sudija prazna ploča i debatu ne presuđuju na osnovu svojih uvjerenja već na osnovu kvalitete slučaja koji ponude afirmacijska i negacijska argumentacijska linija. Osnovna dužnost negacijskog tima jeste pobijati afirmacijski, i ukoliko bude dovoljno vremena uspostavi svoje argumente.

### **12.15 – 13.30 ANALIZA TEZE I KONSTRUISANJE ARGUMENATA (debatanti)**

Tokom Radionice debatanti su upoznati sa važnošću pravilne analize teze debate, kako bi bilo spriječeno da slučaj koji kreiraju bude izgubljen zbog nedovoljno dobro postavljenih odrednica slučaja. Urađene su vježbe tokom kojih su debatanti pronalazili ključne riječi u tezi i pronalazili odgovarajuće argumente. Istaknuta je važnost postojanja tri glavna dijela argumenta u svakom argumentu: tvrdnje, obrazloženja i potkrepe.

### **13.30 – 14.30 RUČAK**

### **14.30 – 16.00 PRVA DEBATNA RUNDA (svi – debatanti debatuju, treneri sude)**

Prva runda je održana na tezu: „Države svijeta trebale bi povećati ekonomska i socijalna prava migranata“

Tim BiH je debatovao protiv tima iz Holandije. Bh. tim je zastupao negacijsku argumentacijsku liniju i pobijedio u debati rezultatom 2:1 u korist bh. tima

### **16.00 – 16.30 PAUZA ZA KAFU**

### **16.30 – 18.00 DRUGA DEBATNA RUNDA (svi – debatanti debatuju, treneri sude)**

Druga runda je održana na tezu: „Države svijeta trebale bi povećati ekonomska i socijalna prava migranata“

Tim BiH je debatovao protiv tima iz Bocvane i zastupao afirmacijsku argumentacijsku liniju. Tim iz BiH je izgubio debatu rezultatom 0:3 u korist tima iz Bocvane.

### **18:00 – 19.30 SASTANAK TRENERA (treneri)**

Na sastanku su pojašnjena određena odstupanja u suđenju koja su se pojavila tokom debatnih rundi. Naglašena je važnost ispravnog popunjavanja listića, te da suci moraju čitko ispuniti sve ponuđene rubrike i potpisati listić koji predaju. Također je naglašeno da ukoliko sudije dodijele pobjedu timu koji ima manji broj bodova, da to obavezno moraju evidentirati u za to predviđeni kvadrat „Low Point Win“.

### **19.30 – 21.30 LEDOLOMCI (debatanti)**

Tokom ove zabavne aktivnosti, debatanti su mogli upoznati svoje cimere i izvođače iz Velike Britanije koji su na zabavan način u aktivnost uključili sve debatante.

## **TREĆI DAN**

### **ČETVRTAK, 21.07.2011.**

#### **07.30 – 08.30 DORUČAK**

#### **09.00 – 09.30 JUTARNJA SKUPŠTINA**

#### **09.30 – 11.45 OBJAVLJIVANJE TEZE I POZICIJA ZA TREĆU DEBATNU RUNDU; PRIPREMA; TREĆA DEBATNA RUNDA (svi)**

Treća debatna runda je održana na tezu: „Migrantima koji su živjeli u zemlji najmanje pet godina bi trebalo dozvoliti da glasaju na nacionalnim izborima“.

Tim BiH je debatovao protiv tima iz Azerbejdžana i zastupao negacijsku argumentacijsku liniju. Tim iz BiH je dobio debatu rezultatom 0:3 u korist bh. tima.

#### **11.45 – 12.45 RUČAK**

#### **12.45 – 15.00 OBJAVLJIVANJE TEZE I POZICIJA ZA ČETVRTU DEBATNU RUNDU; PRIPREMA; ČETVRTA DEBATNA RUNDA (svi)**

Četvrta debatna runda je održana na tezu: „Dodjela državljanstva bi trebala zavisiti od položenog testa iz jezika.“

Tim BiH je debatovao protiv tima iz Albanije i zastupao afirmacijsku argumentacijsku liniju. Tim iz BiH je dobio debatu rezultatom 3:0 u korist bh. tima.

#### **15.00 – 15.45 PAUZA ZA KAFU**

#### **15.45 – 17.30 PETA DEBATNA RUNDA (debatanti debatuju, treneri sude)**

Peta debatna runda je održana na tezu: „Sve države svijeta bi trebale odmah ratificirati UN-ovu konvenciju o pravima migranata i njihovih porodica“

Tim BiH je debatovao protiv tima iz Južne Koreje i zastupao negacijsku argumentacijsku liniju. Nepoznat rezultat.

#### **17.30 – 18.00 SASTANAK TRENERA**

Na sastanku su rezimirana dešavanja tokom Takmičenja. Istaknut je napredak u suđenju sudija kao i njihovom dobrom popunjavanju sudačkog listića.

**17.30 – 19.00 VEČERA**

**19.30 – 22.30 ODLAZAK U BAGDAT STREET**

**22.30 – POVRATAK U HOTEL**

## **ČETVRTI DAN**

**PETAK 23.07.2011.**

**07.30 – 08.30 DORUČAK**

**09.00 – 09.30 JUTARNJA SKUPŠTINA**

Tokom jutarnje Skupštine prezentiran je plana rada za taj dan kao i raspored debatanata i sudija u VI debatnoj rundi.

**09.30 – 11.00 ŠESTA DEBATNA RUNDA (debatanti debatuju, treneri sude)**

Šesta debatna runda je održana na tezu: „Sve države svijeta bi trebale odmah ratificirati UN-ovu konvenciju o pravima migranata i njihovih porodica“

Tim BiH je debatovao protiv tima iz Holandije i zastupao negacijsku argumentacijsku liniju. Tim iz BiH je dobio debatu rezultatom 3:0 u korist bh. tima.

**11.00 – 11.30 PAUZA ZA KAFU**

**11.30 – 13.30 SLOBODNO VRIJEME (SPORTSKE AKTIVNOSTI)**

**13.30 – 14.30 RUČAK**

**14.30 – 16.30 OBJAVLJIVANJE TIMOVA KOJI SU OSTVARILI PLASMAN U OKTOFINALE, OBJAVA TEZE I SPARIVANJA ZA OKTOFINALE, OKTO FINALE**

Tim BiH je ostvario plasman u oktofinale tj. u 16 najboljih ekipa turnira. Teza za oktofinale je: „Nakon diplomiranja na univerzitetima razvijenih država, studenti iz zemalja u razvoju bi se trebali vratiti u zemlje porijekla na najmanje 4 godine“

Bh. tim je debatovao protiv tima iz Litvanije, zastupajući negacijsku argumentacijsku liniju. Bh. tim je debatu izgubio rezultatom 3:2 u korist tima iz Litvanije. Nažalost, zbog ograničenog vremena sudije u ovoj rundi nisu ponudile oralnu kritiku kojom bi objasnile svoju odluku.

**16.30 – 17.00 ČETVRTIFINALE (svi; debatanti koji se ne takmiče gledaju debatu, sudije koje ne sude gledaju debatu)**

**18.00 – 19.30 VEČERA**

**19.30 – 20.00 PRIPREMA ZA COUNTRY EXPO**

**20.00 – 23.00 COUNTRY EXPO**

Country Expo je jedinstven događaj na Youth Forumu, tokom kojeg predstavnici zemalja učesnica imaju priliku predstaviti zemlju iz koje dolaze (kulturu, hranu, običaje, jezik, turističke destinacije...). Tim iz BiH je predstavio turističke destinacije kao i debatni program u BiH kroz specijalno pripremljenu brošuru za ovaj događaj. Interesovanje za BiH su pokazali mnogi učesnici, ali posebno organizatori koji su istakli prijateljske odnose između Turske i BiH.

## **PETI DAN**

**SUBOTA, 23.07.2011.**

**08.00 – 09.00 TRANSPORT DO ARCAKENT KAMPUS-a**

**09.00 – 09.45 DORUČAK**

**09.45 – 11.15 POLUFINALE**

Polufinalne runde su održane na tezu: „Države bi trebale prioritizirati aplikacije za vizu migranata koji dolaze iz kulture slične njihovoj“

U polufinalnoj rundi su učestvovala ekipe:

USA – Lithuania 2 i

Lithuania 1 – AHL 1

Pobijedile su ekipe: USA i AHL 1.

**11.15 – 12.15 OFICIJELNO FOTOGRAFISANJE UČESNIKA (GRUPNO I EKIPNO)**

**12.00 – 13.30 RUČAK**

**13.30 – 15.00 FINALE**

Finalna runda je održana na tezu: „Sve države svijeta bi trebale odmah ratificirati UN-ovu konvenciju o pravima migranata i njihovih porodica“

U finalnoj rundi su učestvovala ekipe: USA i AHL1

Pobijedila je ekipa: USA.

**15.00 – 15.30 PAUZA ZA KAFU**

**15.30 – 16.00 CEREMONIJA DODJELE NAGRADA**

Tokom ceremonije dodjele nagrada dodijeljene su nagrade za: oktofinaliste četvrtfinaliste, polufinaliste, najboljih 10 govornika, najbolja ekipa.

**16.00 – 17.30 SLOBODNO VRIJEME**

**17.30 – 18.30 VEČERA**

**18.30 – 20.00 TRANSPORT DO USKUDAR-a**

## **20.00 – 22.30 IZNENAĐENJE**

Iznenadjenje koje su domaćini pripremili jeste bilo vožnja brodom po Bosforu. Učesnici su mogli sa broda uživati u panorami Istanbula

## **22.30 – 23.30 POVRATAK U HOTEL**

## **ŠESTI DAN**

**NEDJELJA, 24.07.2011.**

## **08.00 – 09.30 DORUČAK**

## **10.00 – 10.30 JUTARNJA SKUPŠTINA**

Prezentiran je plan rada taj dan i istaknuto da će tokom prve radionice debatanti upoznati kolege sa kojima će debatovati u miješanim timovima. Također je istaknuto da će od danas treneri i debatanti najčešće raditi odvojeno. Naglašeno je da treneri miksanih timova, timovima pomažu samo u impromptu debatama, a ne i u pripremljenim.

## **10.30. – 12.00 UPOZNAVANJE SUDIJA I TRENERA**

## **10.30. – 12.00 UPOZNAVANJE DEBATANATA**

## **12.00 – 12.30 PAUZA ZA KAFU**

## **12.30 – 14.00 UPOZNAVANJE SA TEZOM (treneri)**

Teza za MTT je: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

Tokom sesije su istaknuti i djelomično definisani najvažniji pojmovi teze. Urađen je brainstorming sa trenerima o značenju pojedinih pojmova teze:

Visok prihod – razvijene; prema definiciji Svjetske banke; u određenom periodu; prema GDP-u; prema indeksu ljudskog razvoja; prema prilikama koje nude;

Moralna obaveza – bazirana na sistemu vrijednosti određene nacije; posljedice provedbe nisu tako važne; najveće dobro za najveći broj ljudi; bazirana na Univerzalnoj deklaraciji o pravima čovjeka; internacionalne norme prava; historijska i kulturna obaveza; nije apsolutna....

Otvoriti granice – lakše odobravanje ulaska; pojednostavljenje procesa dobivanja viza; povećavanje broja odobrenih ulazaka; prihvatiti sve koji nisu kriminalci...

Migranti – izbjeglice; studenti; radnici; trgovina ljudima; ujedinjenje porodica...

## **12.30 – 14.00 UPOZNAVANJE SA TEZOM (debatanti MTT)**

Tokom predavanja debatanti su detaljno analizirali tezu i prepoznali moguće taktike za izradu afirmacijskog i negacijskog case-a.

## **12.30 – 14.00 DEBATA ISTRAŽIVANJA (debatanti BP)**

Tokom ove radionice debatanti su upoznati sa BP formatom i održane su mini debate kako bi debatanti lakše shvatili redoslijed govora i uloge svakog od govornika.

#### **14.00 – 15.00 RUČAK**

#### **15.00 – 16.30 KREIRANJE ARGUMENATA, POBIJANJE I DOKAZI (treneri)**

Tokom sesije je istaknuto da prilikom kreiranja argumenata treba prvo istaći promjenu koja želi biti postignuta, zatim odrediti ko će imati najviše ili najmanje koristi od promjene, kako će promjena uticati na okruženje u kojem se provodi (ekonomsko, legislativno, tehnološko...) i koliki će biti geografski uticaj (Region, EU, Svijet...).

Tokom radionice naglašena je važnost definisanja ključnih pojmova, brainstorming-a i određivanja ciljnih grupa. Naglašeno je da u ovom formatu debatanti ne moraju ponuditi kriterij ali je vrlo poželjno da to urade. (Npr.: Bolji život za migrante).

#### **15.00 – 16.30 KLJUČNI PROBLEMI SA TEZOM (MTT debatanti)**

Tokom radionice prepoznati su ključni problemi koji se mogu pojaviti prilikom izrade afirmacijske ili negacijske argumentacijske linije. Kao mogući problemi prepoznati su: pojam moralne obaveze, da li debatanti trebaju predstaviti plan, određivanje zemalja sa visokim ili niskim prihodima...

#### **15.00 – 16.30 POSTAVLJENJE CILJEVA (BP debatanti)**

U radionici su debatanti vježbali lakše prepoznavanje bitnih pojmova za slučaj kao i načine na koje mogu postaviti ciljeve koje žele ostvariti tokom debate.

#### **16.30 – 17.00 PAUZA ZA KAFU**

#### **17.00 – 18.30 KREIRANJE CASE-ova (AFIRMACIJA I NEGACIJA) (treneri)**

Tokom ove radionice istaknuto je da je vrlo važno pobijati case ali da nije potrebno pobijati argument po argument. Istaknuto je da negacija može nametnuti teret dokaza afirmaciji dok negacija ima teret pobijanja. Ukoliko debatanti odluče raditi value debatu vrlo je važno istaći prednosti i nedostatke ukoliko se nešto ne promijeni.

#### **17.00 – 18.30 RADIONICE ARGUMENTACIJA - (MTT debatanti)**

Radionica je bila posvećena formiranju argumenata za afirmacijsku argumentacijsku liniju. Istaknuta je važnost poznavanja istraživačkog materijala prije formiranja argumenata. Također je rečeno da je argumente lako izvući ukoliko je istraživački materijal dobro proučen.

#### **17.00 – 18.30 FORMAT I STRUKTURA DEBATE – (BP debatanti)**

Debatanti su tokom radionice upoznati sa formatom British Parliamentary. U debati učestvuju 4 tima: 2 zastupaju poziciju propozicije (vlade) a 2 opozicije. Istaknuto je da timovi na istim stranama rade i jedni za druge i jedni protiv drugih u isto vrijeme. Naglašena je uloga pitanja u toku debate (POI) koja debatanti trebaju postavljati ali i odgovarati na njih.

#### **18.30 – 19.30 VEČERA**

#### **19.30 – 21.00 DEMO DEBATA BP**

Teza: „Sva internet komunikacija bi trebala biti obavljanja korištenjem vašeg pravog identiteta“

## **21.30 SLOBODNO VRIJEME**

### **SEDMI DAN**

#### **PONEDJELJAK 25.07.2011.**

#### **07.30 – 08.30 DORUČAK**

#### **09.00 – 09.30 JUTARNJA SKUPŠTINA**

Tokom Jutarnje skupštine predstavljeni je plan rada za tekući dan.

#### **09.30 – 11.00 KPP FORMAT; ZNAČAJ CX-a**

Tokom radionice predstavljene su osnovne odrednice formata i rečeno da je prema IDEA-inim pravilima vrijeme za govore je

A1, N1 – 6 min

A2, A3, N2, N3 – 5 min

CX – 3 min

VRIJEME ZA PRIPREMU – 8 min

Rečeno je također da argumente uvode prvi govornici i da ostali govornici treba da uvode primjere ali ne i argumente. Istaknuta je važnost sadržaja u odnosu na stil u KPP-u. Za CX je rečeno da postoji nekoliko načina za njegovo provođenje: postavljanje pitanja zbog razjašnjenja određenih pojmova, postavljanje pitanja kako bi bila napadnuta argumentacijska linija oponenta. Napomenuto je da se informacije dobivene tokom CX-a ocjenjuju samo ukoliko ih ekipa koja ih je dobila iskoristi u svojim drugim govorima.

#### **11.00 – 11.30 PAUZA ZA KAFU**

#### **11.30 – 13.00 SUĐENJE**

Tokom ove radionice, predstavljeni su primjeri debatnih situacija tokom kojih su prisutni trebali odlučiti da li glasaju za afirmaciju ili negaciju i obrazložiti odluku.

#### **13.00 – 14.00 RUČAK**

#### **14.00 – 15.30 KLJUČNI ARGUMENTI ZA MTT TEZU**

Tokom radionice teza za MTT „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“ je razložena na nekoliko pitanja:

- Da li države imaju moralnu obavezu i prema kome?

AFIRMACIJA:

Vlada predstavlja pojedince, a pojedinci bi trebali da teže moralu.

Pozitivna diskriminacija.

Mogu pomoći.

NEGACIJA:

Nemaju.

Moral je individualna kategorija.



Ukoliko imaju, ne prelaze njihove granice.

Niko državama ne može reći šta da rade.

Moralna obaveza prema svojim državljanima.

- Da li država koja ima visoke prihode ima moralno obavezu da primi više migranata?

AFIRMACIJA:

Otimali su im prirodne resurse.

Već dugo vremena, te države imaju visoke prihode.

NEGACIJA:

Postojanje moralne obaveze prema svojim građanima – primanje migrana samo ukoliko je u interesu države.

To uzrokuje nestabilnost.

- Nedostaci otvaranja granica:

Overpopulation

Finansiranje migranata je skupo.

Raste nezaposlenost.

- Prednosti otvaranja granica:

Bolje obrazovanje.

### **15.30 – 16.00 PAUZA**

### **16.00 – 17.30 KAKO NAUČITI UČENIKE DA JAVNO GOVORE?**

Na početku radionice, istaknuti su najčešći uzroci zbog kojih učenici ne žele javno govoriti:

- Nepoznavanje jezika na kojem debatuju.
- Emotivni problemi/strah/trema
- Kulturni aspekti/osobnost
- Nedostatak samopouzdanja

Kao podstrek treba koristiti taktike:

- Ukoliko naprave grešku, sigurno je neće ponoviti.
- Sve je lako kada naučiš vještinu!

### **17.30 – 19.00 VEČERA**

## **OSMI DAN**

**SRIJEDA 27.07.2011.**

### **07.30 – 08.30 DORUČAK**

### **09.00 – 09.30 JUTARNJA SKUPŠTINA**

Tokom jutarnje Skupštine predstavljen je plan rada za predstojeći dan i predstavljen program ekskurzija za sutradan. Prisutnima je rečeno da će nakon Jutarnje skupštine trenerima biti podijeljeni materijali koji će im pomoći u snalaženju u Istanbulu.

### **09.30 – 11.00 MTT PREDAVANJA SA FOKUSOM NA IMPROMPTU DEBATE (MTT debatanti i treneri)**

Trenerima su dodijeljeni miksani timovi takmičenja. Trenerica BiH je dobila tim „Whatever“. Tokom ove radionice treneri su sa dodijeljenim timovima radili na pravljenju case-ova.

## **11.00 – 11.30 PAUZA ZA KAFU**

### **11.30 – 13.00 INFORMACIJE O IDEA-i; MOGUĆE SITUACIJE TOKOM SUĐENJA (treneri)**

Najnovije informacije o IDEA-i je prisutnima prezentirala Veronika Vlckova, direktorica Youth Foruma. Istakla je veliku uspjeh IDEA-e u širenju svojih potencijala. Posebno je istakla značaj koji Youth Forum ima za promicanje ideja za koje se IDEA i njeni članovi zalažu. Napomenuto je da IDEA otvara regionalne centre u svijetu koji pomažu članicama IDEA-e. Najnoviji centar će biti otvoren u Skopju u Makedoniji.

Radionicu o Mogućim situacijama tokom suđenja je vodila Kenda Cunnigham. Istakla je moguće propuste sudija tokom suđenja, koji uključuju: nepraćenje debate, nezapisivanje tvrdnji debatanata... Naglasila je da je neophodno debatantima pokazati da ih sudije slušaju jer su i debatanti tada motiviraniji da bolje debatuju.

### **11.30 – 13.00 PREDAVANJA O SADRŽAJU (MTT debatanti)**

Radionica je bila fokusirana na sadržaj govora koji nude debatanti. Tokom radionice je istaknuta važnost sadržaja jer bez toga, KP debata ne može opstati.

### **11.30 – 13.00 RADIONICA O IZRAŽAVANJU (BP debatanti)**

Tokom ove radionice urađene su vježbe koje bi debatantima trebale pomoći da lakše izraze ono što žele formulisati kao argument.

## **13.00 – 14.00 RUČAK**

### **14.00 – 15.30 SUĐENJE I DAVANJE ORALNIH KRITIKA (treneri)**

Treneri su prisustvovali probnim debatama tokom kojih su davali oralne kritike debatantima na prezentirani sadržaj.

### **14.00 – 15.30 PROBNE DEBATNE RUNDE (MTT debatanti i treneri)**

Runde su održane na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

### **14.00 – 15.30 RADIONICA O PISANJU (BP debatanti)**

Tokom radionice istaknuta je važnost zapisivanja tvrdnji koje iznose oponenti. Naglašeno je da se od debatanta ne očekuje da uspije sve zapisati ali da osnovne tvrdnje i argumente mora zapisati kako bi ih tokom svog govora mogao pobijati.

## **15.30 – 16.00 PAUZA ZA KAFU**

### **16.00 – 17.30 PROBNE DEBATNE RUNDE (MTT debatanti i treneri)**

Runde su održane na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

### **16.00 – 17.30 GRADNJA ARGUMENATA (BP debatanti)**

U toku radionice debantima je dato nekoliko teza za koje su trebali smisliti argumente i događaje koji bi ih potkrijepili.

**17.30 – 19.00 VEČERA**

## **DEVETI DAN**

**ČETVRTAK, 28.07.2011.**

Tokom ovog dana učesnicima su organizovani izleti na lokacije u Istanbulu tokom kojih su mogli upoznati historiju i kulturu Turske.

## **DESETI DAN**

**PETAK, 29.07.2011.**

**07.30 – 08.30 DORUČAK**

**09.00 – 09.30 JUTARNJA SKUPŠTINA**

**09.30 – 11.00 PRVA DEBATNA RUNDA (MTT debatanti i treneri)**

Prva debatna runda je održana na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

**09.30 – 11.00 RADIONICA O FONDU RIJEČI**

Debatanti su upoznati sa važnošću unapređenja njihovog rječnika kako bi tokom debate mogli izraziti argumente na najbolji način. Istaknuto je da brojne aktivnosti koje uključuju engleski jezik mogu poboljšati fond riječi kojima raspolažu: gledanje filma na engleskom jeziku, slušanje muzike, pretraživanje interneta...

**11.00 – 11.30 PAUZA ZA KAFU**

**11.30 – 13.00 DRUGA DEBATNA RUNDA (MTT debatanti i treneri)**

Druga debatna runda je održana na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

**11.30 – 13.00 RADIONICA – VAŽNOST TEČNOG GOVORA (BP debatanti)**

U radionici je istaknuta važnost tečnog govora bez zastajkivanja i zamuckivanja jer zamuckivanje ostavlja loš utisak na sudije. Predstavljena je vježba tokom koje su debatanti trebali govoriti o sebi 1 minutu bez zastajanja.

**13.00 – 14.00 RUČAK**

**14.00 – 15.00 RADIONICA ZA TRENERE I SUDIJE (treneri)**

Tokom radionice je rečeno da sudije trebaju ponovo pogledati tabelu koja im je podijeljena na početku takmičenja a u kojoj su detaljno objašnjene vrijednosti ocjena koje su date. Istaknuto je da pojedine sudije daju bodove koji su mnogo viši od bodova drugih sudija, a pojedine sudije daju bodove koji su mnogo niži od bodova drugih sudija, i da debatanti koji debatuju pred tim sudijama imaju ili puno lošiju ili puno bolju šansu da budu dobri i prema bodovima kao pojedinačni govornici.

#### **14.00 – 15.00 RADIONICA ZA DEBATANTE (MTT debatanti)**

U radionici su analizirani argumenti koje su debatanti ponudili u dvije prethodne runde i istaknute prednosti i nedostaci ponuđenih argumenata.

#### **14.00 – 15.00 PRVA DEBATNA RUNDA (BP debatanti)**

#### **15.00 – 15.30 PAUZA ZA KAFU**

#### **15.30 – 18.00 TREĆA DEBATNA RUNDA (MTT debatanti i treneri)**

Treća debatna runda je održana na tezu: „Država bi trebala osnovati i finansirati obrazovne i kulturne institucije ekskluzivno za migrante“

#### **15.30 – 18.00 DRUGA DEBATNA RUNDA (BP debatanti)**

#### **18.00 – 19.00 VEČERA**

### **JEDANAESTI DAN**

#### **SUBOTA, 30.07.2011.**

#### **07.30 – 08.30 DORUČAK**

#### **09.00 – 09.30 JUTARNJA SKUPŠTINA**

Tokom Jutarnje skupštine predstavljen je plan rada za taj dan i aktivnosti koje će biti održane sutradan a koje uključuju prevoz učesnika na drugu lokaciju za održavanje finalnih debata.

#### **09.30 – 11.45 ČETVRTA DEBATNA RUNDA (MTT treneri i debatanti)**

Četvrta debatna runda je održana na tezu: „U aplikaciji za vizu se nikada ne bi trebao tražiti test na HIV“

#### **09.30 – 11.45 TREĆA DEBATNA RUNDA (BP debatanti)**

#### **11.45 – 12.15 PAUZA ZA KAFU**

#### **12.15 – 13.00 EVALUACIJA**

#### **11.45. – 13.00 ČETVRTA DEBATNA RUNDA (BP debatanti)**

#### **13.00 – 14.00 RUČAK**

#### **14.00 – 15.30 PETA DEBATNA RUNDA (MTT debatanti i treneri)**

Peta debatna runda je održana na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

**14.00 – 15.30 PETA DEBATNA RUNDA (BP debatanti)**

**15.30 – 16.00 PAUZA ZA KAFU**

**16.00 – 17.30 ŠESTA DEBATNA RUNDA (MTT debatanti i treneri)**

Šesta debatna runda je održana na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

**16.00 – 17.30 ŠESTA DEBATNA RUNDA (BP debatanti)**

**17.30 – 19.00 VEČERA**

**19.00 OBJAVLJIVANJE TIMOVA KOJI SU SE PLASIRALI U ČETVRTFINALE MTT-a ILI POLUFINALE BP-a**

Predstavnici BiH, Nemanja Babić i Dušica Blagojević su se plasirali u polufinale BP-a.

**DVANESTI DAN**

**NEDJELJA, 31.07.2011.**

**07.30 – 08.30 DORUČAK**

**09.00 – 09.30 JUTARNJA SKUPŠTINA**

**09.30 – 11.00 ČETVRTFINALNE RUNDE (MTT debatanti i treneri)**

Četvrtfinalne runde su održane na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

**09.30 – 11.00 POLUFINALNE RUNDE (BP debatanti)**

**11.00 – 11.30 PAUZA ZA KAFU**

**11.30 – 13.15 OBJAVLJIVANJE POLUFINALISTA ZA MTT I FINALISTA ZA BP, POLUFINALE MTT**

Predstavnici BiH, Nemanja Babić i Dušica Blagojević su se plasirali u finale BP-a.

Polufinalna debatna runda za MTT je održana na tezu: „Djeca migranata bi trebala imati isti pristup socijalnim službama“

**13.15 – 14.15 RUČAK**

**14.15. – 15.00 PREVOZ DO BeyC-a**

**15.15 – 16.45 FINALNA RUNDA BP-a**

**16.45 – 17.15 PAUZA ZA KAFU**

**17.15 – 18.15 FINALNA RUNDA BP-a**

Finalna runda je održana na tezu: „Države koje imaju visoke prihode imaju moralnu obavezu da otvore granice kako bi povećale protok migranata iz zemalja koje imaju niske prihode“

**18.15 – 20.15 VEČERA**

**20.30 – 21.30 CEREMONIJA ZATVARANJA**

Tokom ceremonije zatvaranja predstavljeni su najbolji timovi i debatanti.

Bh. predstavnicu Dušica Blagojević je osvojila 10. mjesto u pojedinačnoj konkurenciji u BP formatu. Nemanja Babić je u istoj konkurenciji osvojio 7. mjesto.

**21.30 – 00.00 ZABAVA**